



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË - DEGA E GJYKATËS MALISHEVË

Numri i lëndës: 2018:061191
Datë: 07.02.2020
Numri i dokumentit: 00817069

P.nr.100/18

NË EMËR TË POPULLIT

GJYKATA THEMELORE GJAKOVË-DEGA MALISHEVË, Divizioni penal, me gjyqtarin Lulzim Paçarizi, si dhe sekretaren juridike Behije Karaçica, në çështjen penale ndaj të akuzuarit I. O., për shkak të veprës penale vjedhje e shërbimeve nga neni 314 parg.6 lidhur me parg.1 të KPRK-së (Kodit nr.06/L-074), ndërsa sipas aktakuzës PP.nr.262/2018 të dt. 09.03.2018, pas mbajtjes të shqyrtimit fillestar, ku prezent ishin Prokurori i shtetit Nazmi Krasniqi, i akuzuari I. O., me dt. 28.01.2020, shpallë këtë, ndërsa me dt.07.02.2020 përpilon këtë:

A K T G J Y K I M

I AKUZUARI: I.O., nga i ati Xh. dhe e ëma Sh. e lindjes C., i lindur më datën ..., në fshatin G., të komunës së P., ndërsa tani jetonë në M., Rr. "I. K.", me nr. personal ..., shqiptar, shtetas i Republikës së Kosovës, i martuar, i ati i 4 fëmijëve, ka të kryer shkollën fillore, punëtor, i gjendjes së mesme ekonomike.

Ë S H T Ë F A J T O R

Për shkak se ndrmjet datës së pavërtetuar e deri me dt.15.11.2017, në veprimtarin biznesi individual - Furrë : D.P.Z A. ..., me qëllim që ti sjell vetit pasuri në mënyrë të kundërligjshme, ka shfrytëzuar në mënyrë të paautorizuar energjinë elektrike, në atë mënyrë që gjatë kontrollit është konstatuar se në shifrën e konsumatorit DGJ-..., jashtë njehsorit elektrik me nr..... përmes kabllor të cilën e ka vendosur në katin e epërm, është lidhur direkt në rrjetin elektrik, me këtë veprim energjia elektrike e shpenzuar nuk është regjistruar, gjendje kjo e konstatuar nga personat e autorizuar të K.-it, Distrikti në Gjakovë me dt.16.11.2017, me çka të dëmtuarës i ka shkaktuar dëm në vlerë prej 7,001.51 euro.

-me këtë ka kryer veprën penale vjedhje e shërbimeve nga neni 314 parg.6 lidhur me parg.1 të Kodit Penal të Republikës së Kosovës (Kodit të Ri).

Andaj gjykata konform nenit 4, 7, 17, 38, 39, 40, 43 dhe nenit 69 të KPRK-së si dhe nenit 365 të Kodit të Procedurës Penale të Kosovë të njëjtit :

E G J Y K O N

Me Dënimin me Gjobë në lartësi prej 400 € (katërqind) euro, të cilën shumë i akuzuari është i obliguar që ta paguaj në xhironlogarinë e kësaj gjykate në afat prej 15 ditësh nga dita e plotfuqishmërisë së këtij aktgjykimi, në të kundërtën dënimi i shqiptuar më gjobë do të zëvendësohet me dënim burgu në kohëzgjatje prej 10 (dhjetë) ditësh, duke llogaritur çdo 20 euro në një ditë burgu.

E dëmtuara K. - Distrikti në Gj., lidhur me kërkesën pasurore juridike udhëzohet në kontestin e rregullt civil.

Obligohet i akuzuari në emër të paushallit gjyqësor gjykatës t'ia paguajnë shumën prej 30 euro, dhe 30 euro për programin për kompenzimin e viktimave të krimit, ndërsa shpenzime të procedurës penale nuk ka pasur.

Të gjitha këto në afat prej 15 ditësh nga dita e plotfuqishmërisë së këtij aktgjykimi, në të kundërtën ekzekutimi do të behet me detyrim.

A r s y e t i m

Prokuroria Themelore në Gjakovë, me aktakuzën PP.nr.262/2018 të dt.09.03.2018, e ka akuzuar të akuzuarin në fjalë, për shkak të veprës penale vjedhje e shërbimeve komunale nga neni 320 të KPRK-së, duke i propozuar gjykatës që pas mbajtjes së shqyrtimit gjyqësor si dhe administrimit të provave, të akuzuarin ta shpall fajtor dhe ta dënoj në bazë të ligjit.

Gjykata ka mbajtur seancën e shqyrtimit fillestar me dt. 28.01.2020, ku prezent kanë qenë përfaqësuesi i akuzës, prokurori i shtetit Nazmi Krasniqi, i akuzuari I. O., andaj ka pasur kushte për mbajtjen e shqyrtimit fillestar.

Prokurori i shtetit me rastin e leximit të aktakuzës, në kuptim të nenit 2 dhe 3 të KPRK-së, i cili tani është në fuqi, bënë rikualifikimin e veprës penale nga neni 320 të ish KPRK-së, në nenin 314 par.6 lidhur me par.1 të KPRK-së (Kodit të Ri), duke marrë parasysh se me ish Kodin Penal për këtë veprë penale janë paraparë dënimet komulative me gjobë dhe me burg deri në tre (3) vjet.

I pandehuri në shqyrtimin fillestar është deklaruar i fajshëm për veprën penale për të cilën ngarkohet, duke shtuar se më vjen keq për rastin i cili ka ndodhur, për të cilin jam penduar, ky ka qenë rasti im i parë që kam ra ndesh me ligjin, ndërsa sa i përket dëmit që më është vlerësuar konsideroj se është shumë e lart, por këtë do ta zgjidhi përmes procedurës civile, andaj kërkojë nga gjykata t'i ketë parasysh të gjitha rrethanat lehtësuese, me rastin e shqyrtimit të dënimit, dhe të më shqiptoj një dënim më i vogël, ku i pretoj gjykatës që në të ardhmen do të jem më i kujdesshëm që mos të bie ndesh me ligjin.

Prokurori i shtetit Nazmi Krasniqi, në shqyrtimin fillestar ka deklaruar se pranimi i fajësisë mbështetet në provat që gjenden në shkresat e lëndës dhe meqenëse i akuzuari e pranoj fajësinë, me rastin e shqyrtimit të dënimit gjykata t'i ketë parasysh të

gjitha rrethanat lehtësuese dhe rënduese, dhe i akuzuari të shpallët fajtor dhe të dënohet sipas ligjit.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili në shqyrtimin fillestar vullnetarisht ka pranuar fajësinë, për shkak të cilës gjykata nuk ka administruar provat, gjykata ka ardhur në përfundim se pranimi i fajësisë nga i akuzuari është bërë në pajtim me nenin 248 të KPPRK-së. Gjatë pranimit të fajësisë gjyqtari i vetëm gjykues konstatoj se i akuzuari i ka kuptuar natyrën dhe pasojat e pranimit të fajit, pranimi është bërë vullnetarisht nga i akuzuari, pranimi i fajit mbështetet në faktet e çështjes që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lart, ka ardhur në përfundim se në veprimet e të akuzuarit formohen të gjitha elementet e veprës penale të përshkruar si në shqiptim të këtij aktgjykimi dhe për këtë ka vendosur që të akuzuarin ta shpall fajtor dhe ta gjykoj në bazë të ligjit, e më parë duke e vërtetuar përgjegjësinë penale juridike të tij.

Me rastin e marrjes së vendimit mbi dënimin ndaj të akuzuarit, gjykata vlerësoi të gjitha rrethanat në kuptim të dispozitave të nenit 69 të KPRK-së (Kodi nr.06/L-074), të cilat ndikojnë në caktimin e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit, pranimin e fajësisë, pendimin e tij, mbajtës i familjes prej 5 (pesë) anëtarësh, i gjendjes së mesme ekonomike, premtimin se në të ardhmen nuk do të kryej vepra penale, sjellja e tij në shqyrtim, kështu që duke mos gjetur rrethana rënduese gjykata ka ardhur në përfundim se me dënimin me gjobë në shumën prej 400 (katërqind) euro, të cilën shumë i akuzuari është i obliguar që ta paguaj në afat prej 15 ditësh nga dita e plotfuqishmërisë së aktgjyqimit në të kundërtën dënimi i shqiptuar me gjobë do të zëvendësohet në dënim burgu, dënim me të cilin do të arrihet efekti dhe qëllimi i tij nga neni 38 të KPRK-së (Kodi nr.06/L-074), dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimin mbi udhëzimin në kontestin civil gjykata e mbështeti në nenin 463 par.1 dhe.2 të KPPK-së, ndërsa vendimin mbi paushallin gjyqësor dhe shpenzimet e procedurës penale gjykata e mbështeti në nenin 450 par.1 dhe 2 të KPPK-së.

Vendimi në emër të kompensimit të viktimave të krimit është marr konform nenit 39 par.3 nënparagrafi 3.1 të Ligjit nr.05/L036 për kompensimin e viktimave të krimit.

Me sa u tha më lart u vendos si në dispozitiv të këtij aktgjykimi e konform nenit 365 të Kodit të Procedurës Penale të Kosovës.

GJYKATA THEMELORE GJAKOVË-DEGA MALISHEVË
P.nr.100/18, me dt.28.01.2020.

Sekretarja juridike
Behije Karaçica

G j y q t a r i
Lulzim Paçarizi

UDHËZIMI JURIDIK: Kundër këtij aktgjykimi është e lejuar ankesa në afat prej 15 ditësh, nga dita e marrjes së të njëjtit, nëpërmes kësaj gjykate, për Gjykatën e Apelit në Prishtinë.